

BAB V

KACINDEKAN, SARAN JEUNG RÉKOMENDSI

5.1 Kacindekan

Ieu panalungtikan miboga tujuan pikeun nganalisis jeung ngadéskripsikeun interférensi basa Indonésia kana basa Sunda dina karangan carpon siswa kelas XI SMA Negeri 23 Bandung jeung SMA Negeri 1 Cicalengka. Nu jadi sumber dina ieu panalungtikan téh nyaéta karangan carpon siswa SMA Negeri 23 Bandung jeung SMA Negeri 1 Cicalengka, sarta data dina ieu panalungtikan téh sakumna kecap jeung kalimah anu ngalaman interférensi dina karangan carpon siswa SMA Negeri 23 Bandung jeung SMA Negeri 1 Cicalengka. Ieu panalungtikan téh ngadéskripsikeun ngeunaan (1) Interférensi anu kapanggih dina karangan carpon siswa kelas XI di SMA Negeri 23 Bandung jeung SMA Negeri 1 Cicalengka, (2) Wanda interférensi fonologi, léksikal, morfologi, jeung sintaksis dina karangan carpon siswa kelas XI di SMA Negeri 23 Bandung jeung SMA Negeri 1 Cicalengka, (3) Faktor anu ngabalukarkeun ayana interférensi dina karangan carpon siswa kelas XI di SMA Negeri 23 Bandung jeung SMA Negeri 1 Cicalengka, jeung (4) Babandingan interférensi nu nyampak dina karangan carpon siswa SMA Negeri 23 Bandung jeung SMA Negeri 1 Cicalengka.

Salian ti éta, ieu panalungtikan téh nyoko kana pamarekan Weinrich yén interférensi téh aya dina sababaraha tataran saperti fonologi, léksikal, morfologi, jeung sintaksis. Dumasar hasil analisis, jumlah data dina ieu panalungtikan téh aya 40 karangan carpon, 20 karangan carpon ti siswa SMA Negeri 23 Bandung jeung 20 carpon ti siswa SMA Negeri 1 Cicalengka. Dina data karangan carpon téh kapaluruh aya kecap, frasa jeung kalimah nu ngalaman interférensi. Éta interférensi téh aya dina tataran fonologi, léksikal, morfologi, jeung sintaksis.

Dina interférensi fonologi basa Indonésia kana basa Sunda téh kapaluruh aya sababaraha kecap nu ngalaman interférensi, éta interférensi téh kabagi jadi 6 pola di antarana ngaganti foném vokal, ngaganti foném konsonan, nambahan foném vokal, nambahan foném konsonan, ngaleungitkeun foném vokal, sarta ngaleungitkeun foném konsonan.

Dina interférensi léksikal basa Indoésia kana basa Sunda téh kapaluruh aya sababaraha kecap nu ngalaman intérférensi, éta interférensi téh kabagi jadi

sababaraha warna kecap di antarana warna kecap sipat (ajéktiva), kecap pagawéan (verbal), kecap barang (nomina), kecap pancén (fungsional), jeung kecap bilangan (numeralia). Interférensi morfologi basa Indonésia kana basa Sunda téh kapaluruh dina tataran kecap rarangkén jeung rundayan. Sarta dina interférensi sintaksis dina ieu panalungtikan téh kapaluruh aya dina dua wangun nya éta wangun frasa jeung wangun kalimah.

Disagedengeun éta faktor utama interférensi dina ieu panalungtikan téh nyaéta kabiasaan siswa anu jarang ngagunakeun basa Sunda dina kahirupan sapopoé sarta pangaruh lingkungan anu nyampak di sabundeureun siswa. Lian ti éta katitén pangbéda jumlah interférensi nu muncul dina karangan carpon siswa SMA Negeri 23 Bandung jeung Siswa SMA Negeri 1 Cicalengka. Ieu hal dibalukarkeun kabiasaan jeung lingkungan nu bédha anu bakal nangtukeun pisan kana ayana interférensi.

5.2 Saran jeung Rékomendasi

Ieu panalungtikan téh miboga sababaraha saran pikeun mahasiswa, panalungtikan satuluyna, jeung nu maca.

1. Keur mahasiswa, ieu panalungtikan téh dipiharep bisa jadi bahan bacaean jeung namabahan élmu pangaweruh ngeunaan sosiolinguistik dina widang interférensi.
2. Keur panalungtik satuluyna, ieu panalungtikan téh dipiharep bisa jadi référénsi ngeunaan panalungtikan interférensi, sarta panalungtikan satuluyna dipiharep leuwih lengkep jeung medar kumaha carana ngungkulan ieu pasualan.
3. Keur nu maca, ieu panalungtikan téh dipiharep bisa nempongkeun sakumaha kamekaran basa Sunda rumaja ayeuna anu katitén loba pisan kapanggih interferénsi, ieu hal téh kapangaruhan ku jarang makéna basa Sunda dina kahirupan sapopoé. Ku kituna, nu maca dipiharep bisa leuwih merhatikeun kana basa Sunda nu dipaké dina kahirupan sapopoé.